



Universitätsbibliothek Paderborn

**Illvstrissimi Viri Petri De Marca Archiepiscopi Parisiensis
Dissertationvm De Concordia Sacerdotii Et Imperii, Sev
De Libertatibvs Ecclesiæ Gallicanæ, Libri Octo**

Marca, Pierre de

Parisiis, 1669

I. Investituarum materia retractata est in Concilio Remensi, cui præsidit Callistus secundus. Propositæ tum Henrico Imperatori conditionies satis æquæ; quarum plerasque recepit. Sed cùm investituram ...

urn:nbn:de:hbz:466:1-15617

Concilij coram omnibus legit hanc scripturam.

Privilegium illud, quod non est privilegium, sed verè debet dici pravilegium, pro liberatione captivorum & Ecclesie à Domino Paſchale Papa per violentiam Regis Henrici extortum, nos omnes in hoc sancto Concilio cum Domino Papa congregati canonica censura & ecclesiastica auctoritate judicio sancti Spiritus damnamus, & irritum esse judicamus, atque omnino callamus, & ne quid auctoritatis & efficacitatis habeat, penitus excommunicamus. Et hoc ideo damnatum est, quod in eo privilegio continetur quod electus canonice a clero & populo a nemine confecretur nisi prius à Rege investitur, quod est contra Spiritum sanctum & canonicanam institutionem.

Perlecta vero hac charta, acclamatum est ab universo Concilio: Amen, Amen, Fiat, Fiat.

Archiepiscopi qui cum suis suffraganeis interfuerunt, hi sunt. Iohannes Patriarcha Veneticus, Sennes Capuanus, Landulphus Beneventanus, Amalphanus, Regitanus, Idruntinus, Brundulinus, Capianus, Girontinus; & Gracci, Ronfanus, & Archiepiscopus sanctæ Severina. Episcopi vero, Cencius Sabinensis, Petrus Portuensis, Leo Ostiensis, Cono Prænestinus, Girardus Engolismensis, Galo Leonensis Legatus pro Bituricensi & Viennensi Archiepiscopis, Rogerius Vulturnensis, Gaufridus Senensis, Rollandus Populonensis, Gregorius Terracinensis, Guillelmus Trojanus, Guillelmus Siracusanus Legatus pro omnibus Siculis, & alijs ferè centum Episcopi, Bruno Signinus & Iohannes Tusculanus Episcopi, cùm essent illa die Romæ, Concilio non interfuerunt; qui postea lecta damnatione privilegij, consenserunt & laudaverunt. Cardinales vero, Bonifacius tituli sancti Marci, Robertus tituli sancti Eusebij, Romanus tituli sanctæ Priscae, Gregorius tituli sanctorum Apostolorum, Benedictus tituli sancti Petri ad vincula, Anafasius tituli sancti Clementis, Boso tituli sancti Mauricij in Damaso, Iohannes tituli sanctæ Cæciliae, * Divizo tituli sancti Martini, Theobaldus tituli sanctorum Iohannis & Pauli, Gregorius tituli sancti Grisogoni, Rainerius tituli sanctorum Petri & Marcellini, Vitalis titulus sanctæ Albinae, Petrus vero tituli sancti Xistæ & Albericus tituli sanctæ Sabinae, cùm essent Romæ illo die, Concilio non interfuerunt. Postea lecta damnatione nefandi privilegij, consenserunt & laudaverunt. Diaconi vero, Abbas Sublacensis, Iohannes Gaieranus, Abbas sancti Andreae, Leo sanctæ Crucis, Gregorius, Aldo, Theobaldus, Roscemannus, hi omnes in damnatione prædicti privilegij consenserunt cum Abbatibus & innumerâ multitudine tam Clericorum quam laicorum.

Hæc charta dictata est à Girardo Engolismensi, Leone Ostiensi, Gregorio Terracinensi, Galone Leonensi Episcopis, à Roberto Cardinale tituli sancti Eusebij, Gregorio tituli sanctorum Apostolorum, communis aliorum consilio.

CAP V T XXI

Synopsis.

I. Investiturarum materia retrallata est in Concilio Remensi, cui presedit Callistus secundus. Propositum Henrico Imperatori conditiones satis aequæ, quarum plerasque recepit. Sed cum investituram re-

rum ecclesiasticarum dimittere nolle, excommunicatus fuit.

II. Et excommunicationi consensit Ludovicus Francorum Rex, qui Concilio intererat. Unde sequitur eum, dimissa bonorum ecclesiasticorum investitura, solam feudorum investituram retinuisse.

III. Ex controversia finita est anno M CXXII, in Concilio Lateranensi; in quo statutum est ut Episcopi Regalium investituram accipiant per sceptrum, non autem per baculum & annulum. Expeditum est verba Callisti.

IV. Rescripto tamen Callisti abolitum est ius homagii & juramenti fidelitatis quod Episcopi prestare tenebantur, quod antea quoque vetitum a Gregorio septimo & Urbano secundo. Cur ita usum Pontificibus illis.

V. Verum his prohibitionibus obsequuti non sunt Galli, neque Angli, neque etiam Germani. Quoad Galliam, probatur ex Ivone Carnotensi.

VI. Quoad Angliam vero, auctoritate Willielmi Malmesburiensis.

VII. Emicuit in hoc negotio pietas & reverentia Regum nostrorum erga apostolicam fidem. Dimiserunt enim solennitatem homagii. Istud vero non exegerunt nisi ab iis Episcopis qui fenda possidebant. A ceteris vero nihil exactum prater iuramentum fidelitatis.

VIII. Veteri constitutione inductum ut Episcopi juramentum fidelitatis prestant Regibus. Innocentius tertius in Concilio Lateranensi censuit eum esse in Clerici qui bona temporalia possident, juramentum fidelitatis prestant Principibus.

X. Callistus secundus investituram confirmavit, tametsi immunitationem attulerit in solennitate. Frideslaus tertius Regalium investituram per sceptrum dedit Episcopo Tullensi.

X. Gallia jam ante dimiserat solennitatem investiturae per annulum, & ius illud in feudi sancti reinuerat.

XI. A Evolo divi Bernardi investitura feudorum sive Regalium in usu erat.

XII. Ex his qua diela sunt colliguntur investitura, Regalium ac juramentum fidelitatis publica auctoritate convuluisse post diuturnas contentiones.

ADDITIONE.] Datur nova editio Conciliorum Remensis & Lateranensis sub Callisto secundo habitorum. Cujus fuerit Burdinus, qui aduersus Callistum sedidit. Quid sit Hispanicum uer in canone decreto Concili Lateranensi. Non est simplex peregrinatio religiosa ergo, sed bellum sacrum aduersus Saracenos. De parochialibus Ecclesiis quas monachi tenent.

I. **A**nno dein millesimo centesimo decimo nono Callistus secundus Papa, qui cum Imperatore Henrico cognitione conjunctus erat, Concilium Remense celebravit, cui interfuit Ludovicus sextus Francorum Rex. In eo examinata fuit controversia illa de investituris; ac dein decreta Concilij missa sunt ad Henricum, qui tribus quibusdam capitibus consensit, liberas nimirum futuras electiones Episcoporum & Abbatum, consecrationes peractum iri ab iis ad quos id jus spectat, deinceps vero nullam investituram factum iri per virgam & annulum

& Imperij Lib. VIII Cap. XXI. 433

annulum. Verum concouere non potuit quartum caput quod proponebatur. Eo autem decernebatur, teste Rogerio de Hoveden, ut investituram rerum Ecclesiastarum nihil omnino sibi laicis exigat persona. Itaque ob repulsam illam excommunicatus fuit contra sententiam plurimorum.

II. Mirum videri potest Regem Francorum huic excommunicationi consensisse, qua ipse aequè involvebatur ac Imperator. Nam Reges nostri investituram quoque dabant, non quidem episcopatum, neque cum solennitate baculi & annuli, sed investituram rerum & possessionum ecclesiasticarum; ut ex Hincmaro & Ivone supra docuimus. Ut ea difficultate nos expediamus, observandum est bona Ecclesiastarum bisariam accipi. Quædam enim vocantur *Regalia*, id est, feuda quæ Regi debent servitum velut à vasallo. Alia verò sunt latifundia & domania quæ Ecclesia data fuerunt. Olim autem Reges concessiones & investitures universi patrimonij ecclesiastici dabant. Sed in pactis inter Paschalem & Henricum initis antè quam Paschalis in carcerem conjiceretur, reperta est nova distinctio, quæ potestatem imperatoriam coercedat ab solam feudorum investituram que immediatè pertinerent ad Imperium. Quoad alia verò bona, Ecclesiæ conservabatur antiqua libertas; ut constat ex epistola xxii. ejusdem Paschalis: *Porr̄ Ecclesiæ cum obligationibus & hereditariis possessionibus, quæ ad regnum manifeste non pertinebant, liberas manere decrevimus.* Adhibenda ergo est distinctio illa propositioni Concilij Remensis. Vnde concludendum est Regem Ludovicum sese accommodasse ad voluntatem Papæ Callisti, dimissa bonorum ecclesiasticorum investitura, solamque feudorum investituram retinuisse. Vno verbo, & quidem apertius, responderi potest discordiam illam fuisse inter Papam & Imperatorem, de investitura corporaliter disputantes, quæ jam abolita erat in Gallia à tempore Concilij Claromontani.

III. Magnus tandem dies ingenti illi controversia, quæ quinquaginta per annos imperium & sacerdotium inter se commiserat, impositus est in Concilio generali Lateranensi à Callisto secundo Papa celebrato anno millesimo centesimo vigesimo secundo, cui interfuit Sugerius Abbas sancti Dionysij, Legatus Ludovici Regis Francæ. Callistus enim, ex sententia Concilij, hunc modum ei rei adhibuit quo aliquatenus satisfactum est iis quorum intererat. Rescriptum ejus, quod refertur apud Abbatem Vrspergensem & Vyillelum Malmesburiensem, heic ante omnia describendum est:

Tom. II.

Ego Callistus servus servorum Dei dilecto filio suo Henrico Dei gratia Romanorum Imperatori Augusto concedo electiones Episcoporum & Abbatum Teutonicorum regni, que ad regnum pertinent, in presentia tua fieri absque simonia & aliqua violentia; ut si qua inter partes discordia emerget, Metropolitani & provincialium consilio, vel iudicio, saniori parti auxilium & assensum prebeas. Electus autem Regalia per sceptrum à te recipiat; exceptis omnibus que ad Romanam Ecclesiam pertinere noscuntur. Et que ex his iure tibi debet faciat. Ex aliis verò partibus Imperij consecratus, infra sex menses Regalia per sceptram à te recipiat.

Ceterum in hoc rescripto quatuor adnotanda sunt. Primum enim discriben ponit inter Episcopos Germanicæ & aliarum provincialium Imperij. Nam Germanos Episcopos præcipit recipere investituram, etiam ante consecrationem. Secus quoad alios, quos ea tantum lege teneri edicit, ut intra sex mensium spatium à die consecrationis investituram accipiant ab Imperatore. Secundò, mutat solennitatem investituræ, quam fieri per sceptrum jubet, non autem per baculum & annulum. Tertiò, investitures coercent ad sola feuda five regalia. Demum Imperatori reservat, in consequentiam investitura Regalium, omnia jura & obsequia quæ ad eum pertinent quoad feuda ab Episcopis possessa.

IV. Sed magni momenti est ultima clausula. Nam ea comprehendit revocationem juris cuiusdam quod ex investiturarum controversia ortum erat, homagij nimirum & juramenti fidelitatis quod Episcopi prestare tenabantur. Nam satis visum non est Gregorio septimo quod investiturarum usum prohibuisse, sed præterea vetuit ne Clerici homagia Regibus praestarent. *Vt Clericus à laico nunquam iustificetur, inquit, nec pro terra nec pro aliis rebus quas ab illo teneat, nec sibi hominatum faciat; sed omnino que ab eo tenet, sibi, antequam ullam patiatur injuriam, dimittat.* Hanc prohibitionem in Concilio Claromontano renovavit Urbanus secundus his verbis: *Ne Episcopus vel Sacerdos Regi vel alicui laico in manibus ligiam fidelitatem faciat.* Hujus autem prohibitionis decernenda, quam in Concilio Romano idem Urbanus renovavit, quænam rationes fuerint, aperit Rogerius Hovedenus. Ait enim Papam in ea synodo differuisse execrabilis priorsus esse ut manus quæ eò honoris & dignitatis pervenere ut ministerio suo Deum creent qui creavit universa, quæque eum offerunt Deo Patri pro omnium hominum salute, quod ipsis quoque Angelis non licet, indignum inquam priorsus esse ut

Vide Badmerum
lib. 2. pag. 15. &c.
Ioannem Bromton pag. 224.

111